



Na osnovu člana 22 Statuta Brčko distrikta BiH („Službeni glasnik Brčko distrikta BiH“, broj 2/10 – prečišćeni tekst), člana 34 Zakona o budžetu Brčko distrikta BiH („Službeni glasnik Brčko distrikta BiH“ brojevi: 34/19 i 22/23), člana 64 Poslovnika o radu Skupštine Brčko distrikta BiH („Službeni glasnik Brčko distrikta BiH“, broj 54/18 – prečišćeni tekst i brojevi: 17/20 i 24/20), i Prijedloga godišnjeg plana rada Skupštine Brčko distrikta Bosne i Hercegovine za 2024. godinu, broj: 02.1-33-561/24 od 8. 2. 2024. godine, Skupština Brčko distrikta BiH na I nastavku 55. redovne sjednice održanom 21. februara 2024. godine, donosi

**ODLUKU  
O USVAJANJU GODIŠNJEG PLANA RADA SKUPŠTINE BRČKO DISTRIKTA  
BOSNE I HERCEGOVINE ZA 2024. GODINU**

**Član 1**

Usvaja se Godišnji plan rada Skupštine Brčko distrikta Bosne i Hercegovine za 2024. godinu.

**Član 2**

Godišnji plan rada Skupštine Brčko distrikta Bosne i Hercegovine za 2024. godinu broj: 01-02-972-1/24 od 21. 2. 2024. godine čini sastavni dio ove odluke.

**Član 3**

Ova odluka stupa na snagu danom donošenja i bit će objavljena u Službenom glasniku Brčko distrikta Bosne i Hercegovine.

Broj: 01-02-972/24  
Brčko, 21. 2. 2024. godine

**PREDSJEDNIK  
SKUPŠTINE BRČKO DISTRIKTA BiH  
mr. sci. Siniša Milić**



## GODIŠNJI PLAN RADA SKUPŠTINE BRČKO DISTRIKTA ZA 2024. GODINU

### 1) Uvod

Obaveza izrade godišnjeg plana rada propisana je odredbama člana 32 stava 4 tačke c) Zakona o budžetu Brčko distrikta BiH („Službeni glasnik Brčko distrikta BiH“ brojevi: 34/19 i 22/23) i člana 15 Pravilnika o sadržaju i metodologiji izrade, sistemu praćenja i nadzora provođenja strateških dokumenata i implementacionih dokumenata („Službeni glasnik Brčko distrikta BiH“ broj 46/20).

Skupština Brčko distrikta BiH (u daljnjem tekstu: Skupština) je zakonodavno tijelo Distrikta i određuje opštu politiku Distrikta. Nadležnosti Skupštine su propisane članom 30 Statuta Brčko distrikta BiH - prečišćeni tekst („Službeni glasnik Brčko distrikta BiH“ broj 2/10). Skupština se sastoji od 31 poslanika od kojih su dva poslanika predstavnici nacionalnih manjina u Distriktu.

Skupština ima službu za stručnu i administrativnu pomoć Skupštini koja ima naziv: Stručna služba. Stručna služba je organizacioni oblik zasnovan na Statutu Brčko distrikta BiH (u daljnjem tekstu: Statut), Zakonu o službenicima i namještenicima u Skupštini Brčko distrikta Bosne i Hercegovine (u daljnjem tekstu: Zakon) i Poslovniku o radu Skupštine Brčko distrikta BiH (u daljnjem tekstu: Poslovnik).

Stručna služba je nadležna za: poslove stručne pomoći, administrativne, tehničke i logističke podrške Skupštini, radnim tijelima, poslanicima i poslaničkim klubovima u njihovom radu, poslove obezbjeđenja zgrade, prostorija i tehničkih kapaciteta Skupštine i obavlja i druge poslove kojima se obezbjeđuje funkcionisanje Skupštine, poslove u pripremi i organizovanju sjednica Skupštine, pripremu i objavljivanju zakona i drugih akata Skupštine, pomaganje u radu skupštinskih komisija, obavljanje poslova iz djelokruga radno-pravnih odnosa za poslanike i zaposlenike, poslove vezane za obavještanje javnosti u vezi s radom Skupštine, uređivanje i izdavanje Službenog glasnika Brčko distrikta BiH (u daljnjem tekstu: Službeni glasnik), obavljanje korekture i lekture zakona i drugih akata koje donosi Skupština, obavljanje poslova lekture za druge institucije Distrikta kada se radi o tekstovima koji se objavljuju u Službenom glasniku, obavljanje i drugih poslova utvrđenih Poslovníkom, zakonima Distrikta ili po nalogu predsjednika, odnosno potpredsjednika Skupštine ili ovlaštenog tijela Skupštine.

Za izvršavanje poslova iz nadležnosti Stručne službe utvrđene su sljedeće organizacione jedinice: Sektor za opšte poslove i skupštinske komisije, Sektor za pravne, personalne i zajedničke poslove, Sektor za administrativno-finansijske poslove, Sektor za tehničku podršku, a u okviru Sektora za tehničku podršku utvrđena je uža organizaciona jedinica Služba za obezbjeđenje.

Na organizacionom kodu Skupštine Brčko distrikta BiH je i Izborna komisija Brčko distrikta BiH (u daljnjem tekstu: Izborna komisija) koja je shodno Izbornom zakonu BiH i Izbornom

zakonu Brčko distrikta BiH, kao organ nadležan za sprovođenje Općih i Lokalnih izbora u BiH na području Brčko distrikta BiH.

## **2) Osvrt na aktivnosti / projekte realizovane godišnjim planom rada za prethodnu kalendarsku godinu**

Skupština je u 2023. godini održala ukupno 24 sjednice od čega 18 redovnih sjednica i 6 vanrednih sjednica.

U 2023. godini Skupština je usvojila 25 zakona, 251 odluku i 26 zaključaka, te je razmatrana 41 informacija.

U okviru obavljanja nadležnosti propisanih Poslovnikom razmatrajući pitanja svaka iz svoje nadležnosti ukupno su održane 194 sjednice skupštinskih komisija.

Pored navedenog u 2023. godini za potrebe Skupštine i drugih institucija Distrikta ukupno je lektorisano 942 akta tj. 16.900 stranica. Izdata su 41 Službena glasnika Brčko distrikta BiH u kojima je ukupno objavljeno 1245 akata, 154 sudskih oglasa i ukupno su obrađena 1149 zahtjeva za oglašavanje dokumenata nevažećim.

Komisija za upravu i finansije je u 2023. godini donijela Program utroška sredstava za kapitalne donacije neprofitnim organizacijama. Svrha programa utroška sredstava je obnova i očuvanje, te izgradnja hramova, bogomolja, džamija i drugih objekata vjerskih zajednica, kao i izgradnja i održavanje grobalja i mezarja.

Pravni osnov dodjele sredstava je Zakon o budžetu Brčko distrikta BiH („Službeni glasnik Brčko distrikta BiH“, brojevi: 34/19 i 22/23), Zakon o izvršenju budžeta Brčko distrikta BiH za 2023. godinu („Službeni glasnik Brčko distrikta BiH“, brojevi: 48/22 i 22/23), Zakon o slobodi vjere i pravnom položaju crkava i vjerskih zajednica u Bosni i Hercegovini („Službeni glasnik BiH“, broj 5/04), Uputstvo o načinu sprovođenja Zakona o slobodi vjere i pravnom položaju crkava i vjerskih zajednica („Službeni glasnik BiH“, broj 28/19) i Odluka o načinu raspodjele sredstava donacija Skupštine Brčko distrikta BiH predviđenih za donacije vjerskim zajednicama („Službeni glasnik Brčko distrikta BiH“, brojevi: 15/21 i 26/21).

Nadalje, usvojena su tri Programa utroška sredstava tekućih donacija predsjednika Skupštine Brčko distrikta BiH za 2023. godinu, kojima su raspoređena sredstva donacija u svrhu pomoći fizičkim licima i podrške udruženjima i fondacijama za realizaciju planiranih aktivnosti, kao i sponzorstva odnosno pokroviteljstva. Pravni osnov dodjele sredstava je Zakon o budžetu Brčko distrikta BiH, Zakon o izvršenju budžeta Brčko distrikta BiH za 2023. godinu i Odluka o načinu raspodjele sredstava donacija predsjednika Skupštine Brčko distrikta BiH.

Također je usvojen Program utroška sredstava za kapitalne transfere opštinama u 2023. godini, čija je svrha finansijska pomoć budžetima opština za finansiranje kapitalnih projekata koji su od značaja iz nadležnosti jedinica lokalne samouprave u cilju osiguranja funkcionisanja ovih nivoa vlasti. Pravni osnov dodjele sredstava je Zakon o budžetu Brčko distrikta BiH, Zakon o izvršenju budžeta Brčko distrikta BiH za 2023. godinu, Budžet Brčko distrikta BiH za 2023. godinu i Odluka o odobravanju transfera za posebne namjene 01-02-6867/23 od 6. 12. 2023. godine.

## **3) Kratak opis ključnih usmjerenja godišnjeg plana rada i provedenog procesa konsultacija**

S obzirom da Skupština nije direktno identifikovana u Strategiji razvoja Brčko distrikta BiH (u daljnjem tekstu: Strategija), kroz preduzimanje aktivnosti iz nadležnosti Skupštine kao zakonodavnog tijela i tijela koje je i usvojilo Strategiju, glavni cilj i

usmjerenje godišnjeg plana rada za period 2024. godinu jeste podrška pri implementaciji i praćenje implementacije programa i mjera iz Strategije.

U skladu s Poslovníkom sjednice se održavaju najmanje dva puta mjesečno, odnosno svake druge i četvrte srijede i četvrtka. Također, na zahtjev gradonačelnika ili grupe poslanika zakazuju se i vanredne sjednice Skupštine. Tokom planskog perioda planirano je održavanje 22 redovne sjednice Skupštine. U planskom periodu Skupština će nastaviti u skladu sa Statutom i Poslovníkom propisanim nadležnostima usvajati zakone, odluke i druge opšte akte, vršiti imenovanja, pratiti i podsticati rad Vlade, nastaviti saradnju s drugim parlamentima u Bosni i Hercegovini kao i s međunarodnim tijelima i organizacijama a sve s ciljem stvaranja povoljnijeg poslovnog okruženja, ambijenta i uslova za život ljudi u Brčko distriktu BiH.

U 2024. godini radna tijela Skupštine – Skupštinske komisije će nastaviti obavljati svoje Poslovníkom propisane nadležnosti a sve u cilju što kvalitetnije pripreme sjednica Skupštine i usvajanja što kvalitetnijih akata.

Pored toga Skupština će nastaviti i sa svojom redovnom aktivnošću objavljivanja Službenog glasnika Brčko distrikta BiH a sve s ciljem blagovremenog objavljivanja i upoznavanja građana s usvojenim aktima.

Izvršenje većine planiranih aktivnosti je uslovljeno radom Skupštine i drugih institucija, prvenstveno Vlade Brčko distrikta BiH s obzirom da je obim i dinamika planiranih aktivnosti u direktnoj zavisnosti s radom navedenih institucija. Tokom planskog perioda potrebno je dovršiti poslove informatizacije i razmjene podataka s ciljem ažurnijeg i jeftinijeg obavljanja poslova Stručne službe i Skupštine u cjelini.

Tokom 2024. godine u saradnji s Centralnom harmonizacijskom jedinicom uspostavljenom pri Direkciji za finansije Brčko distrikta BiH, Stručna služba će sprovoditi aktivnosti na uspostavljanju i razvoju djelotvornog i učinkovitog sistema interne kontrole u cilju izgradnje i primjene sistemskog pristupa u procesu upravljanja rizikom radi unapređenja procesa finansijskog upravljanja i kontrole.

Skupština Brčko distrikta BiH implementira raznovrsne programe usklađene s Okvirom ciljeva održivog razvoja (SDG) u BiH, fokusirajući se na jačanje demokratskih procesa, unapređenje socijalne zaštite, podršku ranjivim kategorijama, te efikasnost i transparentnost u upravljanju javnim sektorom. Ovi programi odražavaju težnju Skupštine da odgovori na savremene izazove i potrebe građana, usmjeravajući se prema održivom razvoju i integraciji u šire evropske i globalne tokove. Sprovođenje zakonodavne aktivnosti i podrška vjerskim zajednicama su u skladu s Prvim Razvojnim pravcem: Dobra uprava i upravljanje javnim sektorom, naglašavajući efikasan, otvoren, inkluzivan i odgovoran javni sektor. Podrška trećem sektoru i fizičkim licima te upravljanje i administracija povezane su s unapređenjem politika socijalne zaštite i aktivacijom ranjivih kategorija, što se usklađuje s Trećim Razvojnim pravcem: Društvo jednakih mogućnosti. Sprovođenje izbora, finansiranje parlamentarnih stranaka, kao i podrška predizbornim kampanjama političkih subjekata, usmjereni su na vladavinu prava, sigurnost i osnovna prava. Ove aktivnosti podupiru i efikasnu borbu protiv korupcije, odražavajući ključne elemente dobrog upravljanja i transparentnosti.

#### **4) Opis institucionalnih kapaciteta s analitičkim pregledom ključnih nedostataka i potreba nadležnih tijela u odnosu na planirane mjere (programe) za naredni godišnji period, preuzet iz trogodišnjeg plana rada**

Skupština, u pogledu materijalno-tehničke opremljenosti, raspolaže u zadovoljavajućem obimu potrebnim resursima za izvršenje planiranih programa. Stručna služba ima

sistematizovanih 49 radnih mjesta, od toga 6 mandatnih pozicija, 26 službeničkih i 17 namješteničkih koji su raspoređeni u četiri sektora. Ovakva sistematizacija je dovoljna da se ekonomično i efikasno obave poslovi iz nadležnosti Stručne službe. Kao jedna od ključnih potreba u narednom periodu je obezbjeđivanje dodatnog prostora, prije svega za rad poslanika i poslaničkih klubova. Pored toga neophodno je obezbijediti i dodatan prostor za rad Skupštinskih komisija, a sve s ciljem što kvalitetnije pripreme za sjednice Skupštine.

Izborna komisija, u pogledu materijalno-tehničke opremljenosti, raspolaže u zadovoljavajućem obimu potrebnim resursima za izvršenje planiranih programa. Izborna komisija u okviru Pravilnika o unutrašnjoj organizaciji i sistematizaciji radnih mjesta Stručne službe Skupštine Brčko distrikta BiH, ima sistematizovano 1 radno mjesto. Za obavljanje poslova iz nadležnosti Izborne komisije tokom provođenja izbornog procesa postoji objektivna potreba za angažovanjem dodatnog tehničkog osoblja kako bi se sve predizborne, izborne i postizborne aktivnosti okončale u obimu i na način propisan Izbornim zakonom BiH, Izbornim zakonom Brčko distrikta BiH te podzakonskim aktima CIK-a BiH.

## **5) Mogući problemi i rizici za realizaciju godišnjeg plana rada**

Kao vodeći rizik za nemogućnost realizacije postavljenih strateških ciljeva javlja se nedovoljno razvijen sistem procjene uticaja propisa, odnosno nepostojanje procesa mjerenja pozitivnih i negativnih uticaja predloženih javnih politika. Također, kao rizici za neispunjavanje postavljenih ciljeva javljaju se i neblagovremeno usvajanje propisa, nestabilno političko okruženje, vanredne situacije nastale usljed prirodnih i drugih nesreća, izmjene propisa u vezi sprovođenja izbornih aktivnosti i nedostatak novčanih sredstava.

## B. Pregled ukupnog finansiranja programa nadležnog tijela

Pregled programa	Šifra programa	Ukupni izvori i iznosi planiranih finansijskih sredstava u KM			
		Izvori	Iznos		
1. Politički sistem i upravljanje 2. Stručni i operativni poslovi Skupštine - Stručna služba Skupštine 3. Organizacija i sprovođenje izbora - Izborna komisija	001 - SK	<b>Budžetska sredstva</b>	7.141.557,61		
	002- SK				
	003- SK				
				<b>Kreditna sredstva</b>	0
				<b>Sredstva EU</b>	0
				<b>Ostale donacije</b>	0
		<b>Ostala sredstva</b>	0		
		<b>Ukupno</b>	<b>7.141.557,61</b>		

Napomena:

### B1. Programi (mjere) nadležnog tijela

Naziv programa (mjere)	Šifra programa	Indikatori	Polazna vrijednost	Ciljna godišnja vrijednost
1. Politički sistem i upravljanje	001-SK	Broj usvojenih propisa	303	300
		Broj podržanih projekata vjerskih zajednica	33	45
		Broj podržanih projekata neprofitnih organizacija	129	130
		Broj podržanih pojedinaca	234	240
		Broj razmotrenih izvještaja i informacija o radu Vlade Brčko distrikta BiH i institucija Brčko distrikta BiH	171	180
		Broj postavljenih poslaničkih pitanja, predloženih propisa i inicijativa s ciljem poboljšanja statusa građana Distrikta	131	130
2. Stručni i operativni poslovi Skupštine - Stručna služba Skupštine	002-SK	Broj realizovanih sjednica Skupštine	24	24
		Broj realizovanih sjednica Skupštinskih komisija	194	194
		Broj objavljenih akata u Službenom glasniku Brčko distrikta BiH	1245	1250

3. Organizacija i sprovođenje izbora - Izborna komisija	003-SK	Uneseni i dostavljeni podaci o sprovedenim izborima u skladu s Izbornim zakonom BiH i podzakonskim aktima Centralne izborne komisije BiH	-	-
		Broj riješenih prigovora vezanih za ostvarivanje biračkog prava	100%	100%
		Broj podržanih parlamentarnih stranaka	13	13
		Broj podržanih političkih subjekata	18	100%

**Napomena:**

Programi (mjere) i indikatori nadležnog tijela prenose se iz trogodišnjeg plana rada. U tabelu B1 dodaje se onoliko redova koliko je programa B, odnosno pojedinačnih indikatora u sklopu svakog programa.

**B2. Aktivnosti / Projekti kojim se realizuju programi (mjere) iz tabele B1**

Redni broj i naziv programa (mjere) <sup>1</sup> (prenosi se iz tabele B1):							
1. Politički sistem i upravljanje							
Naziv strateškog dokumenta, oznaka strateškog cilja, prioriteta i mjere, čijoj realizaciji doprinosi program: Program iz planskih dokumenata.							
Naziv aktivnosti/projekta	Rok izvršenja	Očekivani rezultat aktivnosti/projekta	Nosilac (najmanji organizacioni dio)	PJI <sup>2</sup>	Usvaja se <sup>3</sup> (Da/Ne)	Izvori i iznosi planiranih finansijskih sredstava u KM	
						Izvori	Iznos
1.1. Sprovođenje zakonodavne aktivnosti	Kontinuirano	Jačanje zakonodavne i kontrolne funkcije i podrška parlamentarnoj demokratiji kroz rad poslanika u interesu građana  Postizanje visokog stepena efikasnosti i odgovornosti parlamenta koji se ogleda kroz blagovremeno ispunjavanje svih obaveza utvrđenih Statutom Brčko distrikta BiH i zakonima Brčko distrikta BiH; Redovno razmatranje izvještaja o radu Vlade Brčko distrikta BiH i institucija Brčko distrikta BiH	Skupština Brčko distrikta BiH			Budžetska sredstva	2.160.563,58
						Kreditna sredstva	0
						Sredstva EU	0
						Ostale donacije	0
						Ostala sredstva	0
						<b>Ukupno</b>	<b>2.160.563,58</b>
1.2. Podrška vjerskim zajednicama	Kontinuirano	Donesena/Usvojena odluka o načinu raspodjele sredstava za donacije fizičkim licima i udruženjima	Komisija za upravu i finansije			Budžetska sredstva	1.711.000,00
						Kreditna sredstva	0
						Sredstva EU	0

		Realizovani programi, projekti i aktivnosti od javnog interesa				<b>Ostale donacije</b>	0
		Obnova, očuvanje i izgradnja vjerskih objekata				<b>Ostala sredstva</b>	0
						<b>Ukupno</b>	<b>1.711.000,00</b>
1.3. Podrška trećem sektoru i fizičkim licima	Kontinuirano	Unapređenje rada udruženja i fondacija i podrška redovnim aktivnostima fizičkih lica za poboljšanje kvaliteta života	Komisija za upravu i finansije			<b>Budžetska sredstva</b>	464.000,00
						<b>Kreditna sredstva</b>	0
						<b>Sredstva EU</b>	0
						<b>Ostale donacije</b>	0
						<b>Ostala sredstva</b>	0
						<b>Ukupno</b>	<b>464.000,00</b>
<b>Ukupno za program (mjeru) 1</b>						<b>Budžetska sredstva</b>	4.335.563,58
						<b>Kreditna sredstva</b>	0
						<b>Sredstva EU</b>	0
						<b>Ostale donacije</b>	0
						<b>Ostala sredstva</b>	0
						<b>Ukupno</b>	<b>4.335.563,58</b>
<b>Redni broj i naziv programa (mjere)<sup>1</sup> (prenosi se iz tabele A1):</b>							
<b>2. 2. Stručni i operativni poslovi Skupštine - Stručna služba Skupštine</b>							
<b>Naziv strateškog dokumenta, oznaka strateškog cilja, prioriteta i mjere, čijoj realizaciji doprinosi program:</b>							
<b>Program iz planskih dokumenata.</b>							
Naziv aktivnosti/projekta	Rok izvršenja	Očekivani rezultat aktivnosti/projekta	Nosilac (najmanji organizacioni dio)	PJI <sup>2</sup>	Usvaja se <sup>3</sup> (Da/Ne)	Izvori i iznosi planiranih finansijskih sredstava u KM	
						Izvori	Iznos
2.1 Upravljanje i administracija	Kontinuirano u toku godine	Jačanje administrativnih kapaciteta i unapređenje mehanizama za efikasniju realizaciju stručnih i operativnih poslova iz domena Skupštine. Efikasno obavljanje i unapređenje rezultata aktivnosti koje se odnose na informisanje javnosti o radu Skupštine.	Stručna služba Skupštine			<b>Budžetska sredstva</b>	2.000.069,56
						<b>Kreditna sredstva</b>	0
						<b>Sredstva EU</b>	0
						<b>Ostale donacije</b>	0
						<b>Ostala sredstva</b>	0



						<b>Ukupno</b>	<b>2.000.069,56</b>
Ukupno za program (mjeru) 2						<b>Budžetska sredstva</b>	2.000.069,56
						<b>Kreditna sredstva</b>	0
						<b>Sredstva EU</b>	0
						<b>Ostale donacije</b>	0
						<b>Ostala sredstva</b>	0
						<b>Ukupno</b>	<b>2.000.069,56</b>
<b>Redni broj i naziv programa (mjere)<sup>1</sup> (prenosi se iz tabele B1):</b>							
<b>3. Organizacija i sprovođenje izbora - Izborna komisija</b>							
<b>Naziv strateškog dokumenta, oznaka strateškog cilja, prioriteta i mjere, čijoj realizaciji doprinosi program:</b>							
<b>Program iz planskih dokumenata.</b>							
Naziv aktivnosti/projekta	Rok izvršenja	Očekivani rezultat aktivnosti/projekta	Nosilac (najmanji organizacioni dio)	PJI 2	Usvaja se <sup>3</sup>  (Da/Ne)	Izvori i iznosi planiranih finansijskih sredstava u KM	
						Izvori	Iznos
3.1. Upravljanje i administracija	Kontinuirano	Unapređenje demokratije kroz transparentno, efikasno i zakonito sprovođenje izbornog procesa u smislu pripreme izbora, održavanja i kontrole izbornog procesa. Unapređenje rada biračkih odbora.	Izborna komisija Brčko distrikta BiH			<b>Budžetska sredstva</b>	455.924,47
						<b>Kreditna sredstva</b>	0
						<b>Sredstva EU</b>	0
						<b>Ostale donacije</b>	0
						<b>Ostala sredstva</b>	0
						<b>Ukupno</b>	<b>455.924,47</b>
3.2. Sprovođenje izbora	Kontinuirano	Unapređenje izbornog procesa kroz obezbjeđivanje potpune izborne sigurnosti za građane da ostvare svoja ustavna prava kroz demokratske procese	Izborna komisija Brčko distrikta BiH			<b>Budžetska sredstva</b>	90.000,00
						<b>Kreditna sredstva</b>	0
						<b>Sredstva EU</b>	0
						<b>Ostale donacije</b>	0
						<b>Ostala sredstva</b>	0
						<b>Ukupno</b>	<b>90.000,00</b>
3.3 Sredstva za rad parlamentarnih stranaka		Obezbeđivanje nezavisnosti u radu, jednake uslove za sve				<b>Budžetska sredstva</b>	200.000,00

	Kontinuirano	političke subjekte i omogućavanje transparentnosti finansiranja političkih partija i njihovog demokratskog funkcionisanja. Redovno finansiranje poslaničkih klubova u skladu sa Zakonom o finansiranju političkih stranaka u Brčko distriktu BiH.	Izborna komisija Brčko distrikta BiH				Kreditna sredstva	0
							Sredstva EU	0
							Ostale donacije	0
							Ostala sredstva	0
							<b>Ukupno</b>	<b>200.000,00</b>
3.4. Predizborna kampanja političkih subjekata	Kontinuirano	Podrška održavanju fer i demokratske izborne kampanje, bez elemenata korupcije.	Izborna komisija Brčko distrikta BiH				Budžetska sredstva	60.000,00
							Kreditna sredstva	0
							Sredstva EU	0
							Ostale donacije	0
							Ostala sredstva	0
							<b>Ukupno</b>	<b>60.000,00</b>
<b>Ukupno za program (mjeru) 3.</b>							Budžetska sredstva	805.924,47
							Kreditna sredstva	0
							Sredstva EU	0
							Ostale donacije	0
							Ostala sredstva	0
							<b>Ukupno</b>	<b>805.924,47</b>

**Napomena:**

<sup>1</sup> Program (mjera), naziv strateškog dokumenta, oznaka strateškog cilja, prioriteta i mjere, prenose se iz trogodišnjeg plana rada.

<sup>2</sup> **PJI status** se unosi samo za projekte iz Programa javnih investicija i to za kandidovane projekte se unosi (K); za odobrene projekte se unosi (O); za projekte koji su u implementaciji unosi se

<sup>3</sup> Vlada BD BiH **usvaja (Da / Ne)**.

U tabelu B2 dodaje se onoliko redova koliko je programa (mjera), odnosno pojedinačnih aktivnosti/projekata u sklopu svakog programa.

Broj: 01-02-972-1/24

Brčko: 21. 2. 2024. godine

**PREDSJEDNIK SKUPŠTINE BRČKO DISTRIKTA BiH**  
**Mr. sci. Siniša Milić**